

鄭板橋集

清鄭燮著


鄭板橋集

興化鄭板橋紀念館印

乾隆三十五年
唐隆紀念

詩

鈔



前刻詩序

余詩格卑卑七律尤多放翁習氣二三知己屢詬
病之好事者又促余付梓自度後來亦未必能進
姑從諛而背直慚愧汗下如何可言板橋自題
後刻詩序

古人以文章經世吾輩所爲風月花酒而已逐光
景慕顏色嗟困窮傷老大雖剝形去皮搜精抉髓
不過一騷壇詞客爾何與於社稷生民之計三百
篇之旨哉屢欲燒去平生吟弄不忍棄之况一行
作吏此事又束之高閣姑更定前稿復刻數十首

於後此後更不作矣板橋又題

板橋詩刻止於此矣死後如有託名翻板將平日
無聊應酬之作改竄爛入吾必爲厲鬼以擊其腦

紫瓊瑤人幘郡王題詞

唐人妙義不求解
充腸初腐同
魚解此情今古誰復知
疏鑿
混沌驚真宰
振枯伐萌陳厥
粗浸淫演敗無不無
按拍遙
傳月琴曲走盤
亂瀉蛟宮珠
千載相和皆新
踏夜深把

卷之五
二
琴瑟鐘磬
明眸不識
鳥雌雄
要與白人
辨烏鵲

板橋詩鈔

興化鄭燮克柔氏著

鉅鹿之戰

懷王入關自聾瞽楚人太拙秦人虎殺人八萬取
漢中江邊鬼哭酸風雨項羽提戈來救趙暴雷驚
電連天掃臣報君讐子報父殺盡秦兵如殺草戰
酣氣盛聲喧呼諸侯壁上驚魂遁項王何必爲天
子只此快戰千古無千姦萬黠藏兇虎曹操朱溫
盡稱帝何似英雄駿馬與美人烏江過者皆流涕

種菜歌

爲常公廷齡作

有明萬曆天啓間時事壞爛生克頑羣賢就戮九
千歲宮中不復尊龍顏烈皇帝起震而怒練帛一
條殪凶孺天荒氣敗不可回龜鼎潛移九廟仆蒼
谷先生開平嗣屢疏交章稱天意提將白刃守宮
門殷盡黃金酬死事都城陷沒走南邦惡孽桐城
馬貴陽新王夜夜酣春夢成卒朝朝立曉霜上方
請劒長號唾忠讎不開城又破虎口纔離二黜奸
孤舟欲覆江流大買田種菜作生涯淚落春風迸
野花嫻弄舊第烏衣巷怕看鍾山日暮霞荷鋤負
擔爲傭保菜羹糲食隨荒草時供麥飯孝陵前一

聲長哭松楸倒家有賢媛魏國孫甘貧茹苦破柴
門燒燧昔日鴛鴦錦滌盡從前翡翠痕一畦菜熟
一畦種時時汲水提春甕玉纖牽斷井邊繩茅棚
壓區欽梁鳳幾年捐遜先生死含飯無資乞鄰里
天涯有客獨揮金棺衾畫翼皆周視人心不死古
今然欲往金陵問萊田招魂何處孤臣墓萬里春
風哭杜鵑

題雙美人圖

珮環搖動湘囊冷俏風偷入羅衫領美人相倚借
餘溫細語無聲親素頸玉指尖纖指何許似笑姮

娥無伴侶又似天邊笑薄雲夜寒不得成濃雨

自遣

嗇彼豐茲信不移我于困頓已無辭束狂入世猶
嫌放學拙論文尚厭奇看月不妨人去盡對花只
恨酒來遲笑他縑素求書輩又要先生爛醉時

山色

山色清晨望虛無杳靄間直愁和霧散多分遣雲
攀流水澹然去孤舟隨意還漁家破茅登天肯令
之閒

詩四言

夜殺其人明坐其家處分息事咤衆毋譁主人不
知託爲腹心無奸不直無淺不深

仁義之言出于聖口奸邪竊似濟欲忘醜播談忠
孝聲悽淚痛詒賢明況汝愚衆

當春不華蓄意待秋秋又不實行將誰尤葦蔓藏
蛇梧桐噉鳳象分性別各以類貢况汝棘刺鴟鴞
避之乃思鸞凰槁死不知

求利于地絲枲稼穡求利于天鋤慾植德求利于
物網罟釣弋求利于人面曲背直有禽其心有獸
其力詆賢玩愚寢危卧仄天亦汝憐大道不塞

偶然作

英雄何必讀書史直據血性爲文章不仙不佛不
賢聖筆墨之外有主張縱橫議論析時事如醫療
疾進藥方名士之文深莽蒼胸羅萬卷雜霸王用
之未必得實效宗論閎議多慨慷雕鵠魚鳥逐光
景風情亦足喜且狂小儒之文何所長抄經摘史
鉅釘強玩其詞華頗赫爍尋其義味無毫芒第頌
其師客談說當然校讎登詞場初驚既鄙久蕭索
身存氣盛名先亡輦碑刻石臨大道過者不讀倚
壞牆嗚呼文章自古通造化息心下意毋躁忙

送友人焦山讀書

焦山須從象山渡參差上下一江樹高枝倒挽行
雲住低枝搏擊江濤怒枯藤盤拏蛇走壁怪石峻
增鬼峽路日落煙生江霧昏微茫星火沿江村忽
然飛鏡出東海萬里一碧開乾坤夜悄山中更淒
蕭鸛鶴無聲千樹禿鄰屋時聞老僧咳山魃遠在
雲端哭幾年不到大江濱花枝鳥語春復春抱書
送爾入山去雙峯覓我題詩處

海陵劉烈婦歌

烈婦夫武舉從左良玉陣亡無後婦誓奉公姑

待其終年即自縊死州人哀之稱爲劉烈婦云

濕雲壓牕燈欲死少婦停梭拂衣起夜慘心孤倦
歎卧沙塲夢入深閨裏破甲殘旗裹血痕手提敗
鼓號冤冤自云轉戰身陷沒斷骸漂骨黃河奔倉
皇躑躅婦驚覺羣犬亂吠秋籬根深夜欲啼啼不
得淚珠迸落羅衾濕抹去胭脂罷曉粧翠翹雲鬢
無顏色函問傳來敗散軍果然與夢無差分溫言
緒語慰翁媼幽閨裂破繡羅裙椎心一哭數斗血
紙錢飄去迴秋雲柴門寂寞鼙鼙鬪病婦把家門
戶瘦夜夜寒機達曙光朝朝破井提鴛鴦十畝荒